

集部

欽定四庫全書 晦庵别集卷二

集部

詳校官庶吉士臣朱 主事臣呂雲棟覆勘 理

校對官中書臣禁 總校官無古士 臣倉聖脉 腾録監生 軍站培善

籣

一告我文公會粹程氏門人所録之語以為遺書且謂其 遭文又得十卷以為别集其標目則一做乎前而每篇 潛齊實齊二公已錢板書院蓋家有而人誦之矣建通 得十有一篇以為外書誠不忍儒先片言隻字湮沒無 於二先生之語不能無所遺復取諸家集録参伍相除 晦卷别集原序 守余君師魯好古博雅一翁二季自為師友搜訪先生 次足四車全書 傅而天下之理有所欠闕也文公先生之文正集續集 晦華別焦

書不觀乃貽或者之謂云咸淳元年六月朔迪功郎建 一庶有以知其無非精義家理之所存毋使摹刻既多東 寧府建安書院山長黃錦謹書 卷餘以見屬於是節縮浮費以供兹役盖又二年而始 聞遠輯之意兹來冒居長席而余君適将美解始川兩 斯文之大幸也鋪於君之長子謙一為同舍郎亦當預 之下必書其所從得且無外書不能審所自来之恨真 克有成後之學者能於是書句句字字深思而熟歌之

とこり らい かかう 状のかいかす 晦塵别集 が開発させ 儩 逐奉慶也行期定 此两日忽聞有全蜀 意然此書之後傳 胡德方家藏 行但亦當 聞

向來聖錫正如此也若所傳非的當奉行前詔則交 金好四月石事 為是未有敢乘此痛言其非者昨告邦彦以所當論者 公奏議一 似却不必迁路來歸只令平父來臨川上下迎侍 獨斷二字頗以為然又未知果能發之否問讀陸宣 談之當有助耳若果造朝以亟行為上早得 日事然今已似太遲若更過此則又無可說矣惟 |姦雖去氣象全未迴蓋上心猶以向來所為 切中今日之病試取 讀從容前席為 Ð

為善暑讀所改數處似少各矣如何如何李先生碑 私計之安便為先而後圖之也聞欽夫亦勸行果爾 縣病之說不記前書拜禀云何誨諭之及乃知僣率之 到 谷然所 臣爱君體國之義想又非彰私縷縷之比固不當 煩問子駒不知可為别寫數字示及否比及宗禮 疑矣程集及諸書拜領厚意但誤字處更不各修改 又須數月其家早欲成就已先刻銘文只俟此字 1. 1.1 自比乃爾豈故人之望耶 每昼川美 豥

一多定四年全書 得位可以不負其所學矣逃聞明命贊喜亡涯某去月 竊承延登廟堂參貳極筦君子之仕至此亦可謂得時 其真然伏讀十 六日始得離長沙與散夫同行語魏公墓下遂登祝融 别去殊憫然也至醴陵始微聞兄有此拜至清江始得 矣其間而不然也不知出兄筆否當時何不畧開諫 1項已乃東歸至儲州始分手盖講論之樂向未曾有 劉共甫 月五日記書奴話大臣承視庶位其 巻リ

親之道不至其於父母之顏色不和為子者當左右尿 立於其朝而讒諂面諛持禄保位之士益聚而肆然其 抵自此人主心益肆勢益孙賢人君子日益消縮不顧 たこうき 比來訏謨之際頗亦及此語否失之於前尚可採之於 後顧益思所以矯正之術而亟諫之某嘗譬之人子事 無所不為矣反復念此則然寒心中夜以與不覺歎咤 自見此詔連三日寝食不安其曲折未易以一 始聖主思之未熟而奉令承教之臣與有責也不知 1. kin 晦庵别集 言盡

得亦不濟事况本領若不甚正則所謂是者非所謂賢 者否又如何其可恃耶聞奏請令鄉監郎曹舉士限五 至豫章見將祭政文字慨然有出身任事之意所以告 金与四月 台書 吾君者粗亦可觀但不知集本領如何若只是如此說 事天之道何獨不然今日之為其亦異乎吾所聞矣比 此間卷之人知之不待曾參孝已而後悉也至於人主 順以祈悅適耶當話詈妻拏殿擊僮隸以快已之忽耶 日奏又不得發照牒此是何措置只此一事可見風来

宣吾平日致身事國之意耶在常沙時未想近的但戶 了日往月來不是小事苦痛苦痛兄與陳公素有物望 機交急之應然大根大本處被羣小壞得八九分以上 非它人比今日雖未為宰相然實斷國論若只似常 奈何奈何陳公少進有何處畫觀今日氣泉雖非有危 不勝憂慮日與欽夫語此幾至隕涕不知當其任者視 遷延歲月保持禄位以俟人主厭棄而擊逐之則非 大失人望慣順家聲亦豈吾平日讀書問學之意耶

欠こりるという

梅庵别集

金岁口屋 義諦而敬夫尤不可後如某董草野之臣則雖有憂歎 復感此通夕不眠夜漏未盡呼燭作此不能既所懷之 以為何如耳願亟與陳公謀之其至豫章宿上籃寺偶 論薦人材亦有次第今日遠則益州近則吳興旨第 之心然以義分觀之似未當出兄果相念當且徐之 此懷足矣何以書為哉然今日之事政須為其大者 抑迫恐一旦大發狂疾彼此為不利俟两公有成 欲作陳公書不暇然作亦不過如此只老兄語次 1

問事耶此是實情相告其豈不欲及今一見明主極陳 · 实定四車全書 **贊彌縫之意所以斷然自誓决未敢出不獨為身亦以 會中之憤懣但思之言語必有太甚處恐却惧两公協** 為親為二公為國計也千萬幸祭 請違後一 彈冠羣彦之後殊未為晚其許多年過了豈計此年歲 門奉祠卒已得請而詞職未盡允勢須更加控免耳區 彭子壽龜年 一两日即被斥遣之命出關恰一月始能達里 晦庵别集 止堂之孫让家藏

徳夫相繼亦去為之駭然此其間必有曲折恨未得聞 區見鴈不足為重輕忽聞門下亦以論事去國而德修 統偶便託其教官林君致此馬以數字見報比來議論 沈也 不審從人今何所鄉若遂赴鎮亦須暫還江西經由上 與諸人繼逐之由林君佳士時有人往來不至浮 程允夫洵 一如願而忌之者以為借瀆脾脫愈甚近日葉 洪正學刊九夫家藏

歌七四車 全十 能為申理者區區於此尤不能無愧也 它姑置勿問看數月間如何又别相度也餘干冤痛莫 復不說分明致此事故又申省陳乞近又只得省割: 總章中已有姓名旦夕必有行遣矣改正恩數實無此 又益紛紛細思此舉實有未安今且未令泰兒赴銓其 會申明已降指揮行下盎諸公不敢將上而牽小因 例前此但以衆論紛紛故於奏狀中言之後來得請而 魏元履 找之 晦庵别集 ドス 下胡德方家藏 此

ヨシドス 無自而立賢才無由而見任直言無由而上聞失老兄 触君心此為本根之禍不去此物國勢無自而張邊備 跋扈欲誅沈介取其首其機事不客乃爾可怪久不聞 之書見之否說病證甚危急而無甚治法但顯言西即 以為如何成都全不聞近報不知到何許胡邦衡痛哭 何益龜齡既起不知復作何計今日正懼孤鼠之妖蠹 古藤之命未知果否誤國至此某之肉其足食乎小譴 日深矣為之奈何諸報想自聞之此聞事甚遍方傳 イーコー

問念念不忘適有均亭便晨起手凍作字不成幾不可 讀亦所以效響耳一笑逐過相陳豈非賞魏無 大己の日本日 論得劉澂父書云邂逅汪養源丈聞益州巳出峽非 無鄉井外矣此非面未易道也近日逐去洪邁稍快 之事偶然無大敗闕真出天幸若只賴有位措置則今 大為文具所至騷然而無辜髮之補此為可應耳今歲 稻既登採恤之勞計亦少緩矣但州郡以使節將臨 魏元履 晦庵别集

見教否今歲不為場屋計予諸公薦賢之舉不知如何 甚以為喜聞邦人亦深自幸既而聞之乃不疾而速之 比扣芮語頗悠悠不知今已發奏未也 日來始無閱擾稍可近書册矣老兄比復作何功夫可 怪否此諸公只好閒處說葛藤緩急實難仗也此三五 人其殆禍吾州乎又非徐老之比也芮漕通書否不相 到玉山矣上以其萬行討賊始甚知之不知到闕相見 如何也此事繁消長非人力所及無咎得此邦初聞 Z 大足四年 公馬 邊報如所示乃可應此傳聞復不然云已破虹縣靈壁 良亦費檢束耳因書更切教戒令稍尊重為佳 悟聖心耳諫垣南榻素有直聲未聞有以大慰人望者 國論未知所定非草茅所得憂但願天意悔禍有以發 先生書云鈆山見報亦如此所聞也史去而辛洪皆遷 两城禽其魁即得其積穀十餘萬斛不知熟是前日得 何哉有所聞續以見示幸甚令子為學督之不敢怠但 魏元履 晦庵别集

議莫以為可而上意向之不可奪的報公即行顯忠與 前者姑以是自薦公父喜而見畱然計其才力未能舉 事是我以空言而獲實利也顯忠悅言於公如機指意 共甫書與子飛云李顯忠聞殿即之除知為奪兵罷點 卻宏淵合兵入宿州宏淵欲散府庫以資將士而全軍 之漸有尹機者說之曰今魏公銳志恢復而諸將莫敢 公果然之而不復計其力之未能大舉也上疏出師

錢三百軍士大怒會敵騎至城下衆莫肯戰楊言敵盛 還其家已而置酒高會官妓人予白金一两士卒人 以歸李不可遣宏淵出城措置而盡有其金帛以馬 六萬餘而軍資器械盡沒幸是日大霧敵人不知我寨還者而軍資器械盡沒幸是日大霧敵人不知我 路於道者相望也入宿州後事寬書亦云上意猶向魏 不可當且欲圖之顯忠惶遽遂走失亡七八千, 公但不知相湯公遣楊存中罷王龜齡又何意耳平 こうえ 道故無他不然幾殆然敵人冒火暑奔馳赴拔人 晦嘔列集 馬 師

五年 全書 □ 未為不然但不知所以為自治之計如何耳但守與和 然否卻宏淵劉實分護淮東西不知復如何守險之說 後省初欲論駁而亦不知所以為他計者遂止不知果 云家書中言初聞宿州之潰不得其由朝廷震駭疑 將降北德壽以二將旨楊舊部曲遣往招之故有此命 根本魏公績用不成正坐此耳吕許公謂范文正公言 之憂不在邊境正惟廟堂議論弛張點陟乃折衝制勝 二字相似不知為是說者於此能別異之否愚謂今日

欲經畧西事不如且在朝廷此言深有味老兄以為如 無直詞禁王慶長聞憲想次第聞之矣但文云王瞻 松閣冬議亦必魏為耳無谷除户部郎張安國以掖垣 徐喜已罷共甫復改命三衢而朱新仲來為東守殊不 **元章變漕馮方以太守少卿參議從魏請也任元受以** 晓也二小使已還魏公復出江上廿八 魏元履 日已行矣查

用耳 已回此又何耶陳君此問過時無尋問處渠欲陸尉書 條抄出疑問之意便中寄示容檢鄙論為答有不當處 已作數字授之不知有効否觀其失業狼狽殊可憐 如告駁難即彼此有益若全部寫得未必講習却無所 不能有以處之耳盖子說向當編集雖已終篇但苦無 ,商量問因人或來問檢視之輕有不滿意處未欲傳 以誤後生也或彼中有人看此書講說有疑處今逐

到定四庫 全書

火七の事とかり 住也豫章欲刘精義大字版意欲令并則老兄所增横 求恭兄為記五賢祠堂未蒙見報亦告侍次語及但得 也近復冒昧以書態左司曽丈意其有以察此而力言 某向來杜門本無一事而恭兄誤使此來以為到郡引 數語畧記事實為幸仍須及早得之乘某未去剣石尤 之因通家問幸啓恭兄同為一言以助其請幸甚累書 疾便可得去今乃不然不意徳人亦時出此蘇張之計 晦庵别集

衰病之餘勉强武吏遭此旱飲四顧於然不免控告朝 毎5日月 七十 廷幸亦畧蒙應副目今雖似可以支吾未知來春事體 借得以付之為幸彼有教授黄君者此邦人甚向學令 渠諸說此間傳録未及數篇專作此數字今後遣人就 又如何比及終更亦當麥熟遺此凋察之民以付後 寫了即送來此轉寄還不妨也 過蒙稱許何以當之祇益慙懼然緣此一事心韌形 向伯元 以下伯元之孫公永家藏

次包事全替 界初不敢請適會議者及之被古相度不敢不盡其愚 見傾倒留於三日而行識趣議論今亦少得也聞臨江 到官瑜年初亦粗健自秋冬來足疾發動不免廢事經 人告雅其境或恐吏民有持閉遏之計者願得一言以 沈守留意荒政甚悉恨未得其條目而師法之今遣此 解其紛是亦仁人之惠也 察精力全衰百病交攻求去未得殊無好懷也子卿 向伯元 **脚庵别集**

ヨショ 復幾時於此也世路如此唯得早去乃為幸耳劉薦論 粗聞之然不能如來喻之詳邪說肆行而士氣不衰此 而農事已起不可復為正當少俟秋成又未知賤跡能 事不阿近所未有亦恨太疎果墮語弃耳周南之策亦 而事外不決浮議紛然遂力求去又竟不得今雖得肯 到官半歲前月忽告脚氣手足俱痛至今未平 乃為可賀者然前輩清議在下之說又為可慮奈何 向伯元 郡計不

為衰病復爾交攻鬱鬱度日殊無即賴已上歸田之奏 えこうき 陰沮之者至今未有成命次第且中報矣在此既無所 自露則可以供歲費而能去諸色無名之賦今乃聞有 屢至危殆亟上告休之請近間未得可報今雖未 死然 矣未知進止如何萬一未遂須再請也 殿體自四月初感風濕之氣足疾發動 例措畫無非殃民害物之事初謂經界若行欺隱 向伯 7.1.7 元 **哆庵别集** 卧 两 月

多分口 | 調否江陵近収書否章茂獻聞欲徙居城中公時相見 衰顏日甚自度不能復有補於縣官勢須再請耳解職 事凡曾在趙子直處吃一呷湯水者都開口不得只有 亦竟未允當并力懇庶公遂也時論一 此老尚可極言以真主之一悟不知其有意否已作書 子卿想歸外矣楊丈書已領不知其已趨名否今日之 及忠賢奔播幾於空國而無君子矣日子約經由曾進 力勸之萬一肯出經由更望一言此宗社生靈之計派 月全書 **愛非復意慮所**

其向來一出暑無補報罷逐而歸祇以自愧還家初亦 小故也 逍遥西江波浪何時平真可以泣鬼神也 餘干久不得書日月愈遠令人傷歎山谷語云歸來分 粗遣至此夏初痼疾復動遂大狼狼意必不全亟遣告 V.10.2 1.1. 人行已五六十日尚未有處分然病驅却幸少蘇士 林井伯 林井伯孫方之泰家藏刊 每卷列集 伯之 外 <u>+</u>

金方四年全書 却少定不知事且止於此耶或更未已也相看狼狽 知竟何如也餘干屢得書處之甚安亦殊不易擇之昨 能仰首一鳴深負憂愧子約 日自彼歸過此尤能道其曲折始者風波甚可駭愕今 道矣前日走寒泉與韜仲父子聚哭之極不能為懷也 衡陽之報令人悲痛所幸 林井伯 便蒙歸骨之恩今當次第 一舉却甚奇特令人歎服

坐食俸禄使人慚愧然累求去不獲近又再請未知如 欽後來相見否幾道亦當赴部今或已到公相見也某 既無廷武從者歸期想亦不遠莫須更為過餘干否子 鄉樞相見有何言句耶因遣人上謝表附此草草 詞職得請私義粗安若命懸庖厨則非人力所能避矣 **基來此已八閱月自覺得不成行止亦不成政事徒然** 何來喻云云極感忠愛然此意已決雖欲自强而不能 方耕道来 梅養別集

即不免徑申省陳乞矣比來論議似稍寧息未知竟如 体致文字已中本郡尚未得保明中發萬一更有遅疑 不得去相近也開正晴暖欲奪舟南下又憚經由富沙 何正恐不削者以耳衛公計時相見聞欲徙居盤澗岩 不易得想同僚必相好也 不能多及想燕談之際當必及之耳皇甫路分意趣極 又安能尿命而改轍耶其曲折之詳已具南軒書中此 陳子真甫陽方指家藏

· 吾君之側者矣然於是時竊已深為執事者憂之顧 進登言路有識相慶繼讀邸狀又得所上童疏分别邪 **欽聞德義有年於此中間入都雖當蒙枉顧然稠** 不免見諸人一番露頭面可厭更俟計度若幸無疾病 不暇交一 即當扶曳冒昧一行思欲見石佛懸泉之勝也]明白剴切三復雙然為之汗下盖久矣莫有以此謦 劉徳脩光祖 語至今為恨如未始得見顏色也前年竊聞 極見川果 以下後溪之曾孫曾元家藏 **+**

聞去國時在臨漳無可與話此心者燕居深念無儿浩 私為同志一二君子道之盖不唯欲以少效慕用之誠 前此未當得通聲問無從效其區區且又意其駭機之 甚厚自視甲薄何以克堪因便布謝適有土木之擾言 歎而已嗚呼此豈吾人一身之休戚而造物者之意乃 亦真轉以聞於左右而求所以善其後也曾未幾時果 祭近在旦暮雖欲言之亦已無及然猶懷不能已竊竊 不可測知如此哉茲承不鄙遠貽教墨所以撫存之意

有彙進之勢作鎮發門是為東來之北而問者所聞乃 **今春既辭桂林之役幸復續食祠廪而自夏初** 足為左右道也昨聞諸公於門下數有裡言而產賢亦 盡意伏紙增跋 一未能復常呻吟少問謾讀舊書姑以繁思遺老耳不 **未愈中間幾致委頓者數矣幸而獲免就今餘息奄** 異雖賢者所居而安無適不樂然當典我幹方之 劉徳脩 每昼川東 +

數千里無由一見傾倒此心引領鄉風浩數而已 任以蕃衛王室為心亦豈能恝然於今日之事乎相望 某所為大學論孟說近有為刻板南康者後頗復有所 因風見教十萬幸也 判正今內 懷道義馳想亡已不審比來為况果何如統內軍民計 相望數千里既無會面之期而聲問亦不得數往來每 劉德脩 一通暇日一觀為訂其謬并以質於東溪翁

一多定四庫全書

萃集未至空虚朋來彙征猶有可望如門下者恐終不 得解此責也某多難餘生近日復有季婦之戚長沙除 鄉人江泰分教大府得親誨範甚以自幸其人明敏有 因風寓音不究懷抱伏紙恨恨 今雖小定然諸公書來似已便謂無事否耳所幸仁賢 志於善嘗為邑军以平易惻怛甚得民和不幸遭讒逐 目未之敢豕其問蓋有小小曲折非敢決然忘此世也

自寧謐但前此時事傳聞多端想不能不深根本之慮

多定四庫 全書 備使令也 至罷免竊意高明當自有以察之权拾教誨亦或可以 除書尤非所據力辭未獲冒昧以來則承門下到闕戶 **某袁晚廢學守藩亡狀忽蒙収召已不知所以然旋被** 悉也區區只 **外且拜螭坳之命矣正人得路羣議交慶此不待說而** い整鄙懐 劉徳脩 两日便當入門對罷方得修敬諸容面

學之淺深也因人往記目盲愈甚不能多及正遠唯真 生平慕用昨幸為像荷相與傾倒之深盖同世道之憂 忘某扶曳驅馳幸已稅駕道間忽拜江陵之命罪疾如 とこうえ 以時珍衛勿忘致君行道之本懷緝熙光明以扶廟社 此豈堪復出不免上奏力辭計必可得自此杜門當日 而非爾汝之私情也别去恰一月矣每懷德義鄉往不 有趣但恨虚辱招延無所裨補猶不能怠懷於吾君進 劉徳脩 1.1. 晦庵别集

多定四月 全書 前幅所云僕於二三公亦不能無厚望幸家為言之勿 忽聞去國深為悵然盖有識之士無不同此歎息而昨 流雲散甚可歎也 為誰亦望并見告也文权行後時得書否北關之集風 以語他人也遠近人材必更有可與共賛王業者不知 老先生必且宿留後便拜狀子壽千里茂獻想時相會 區區至懇 劉徳脩

但祝眠食之間干萬自爱耳天若祚宋彼将如我何哉 **羣賢悉力交輔猶懼不濟顧乃為是以速之耶不審能** 便寓此托李章致之目昏不能多作字要亦無可言者 日始拜祠命不免復辭近職小贖前日失職之罪耳因 便歸買耶或且宿留江湖問耶即今已到何許也其前 東溪先生外欲寓書今復未暇附此致瞻仰意文叔郎 日機仲經由相與仰德尤不能忘懷也今日之勢政使 前途必相見亦告為道鄙懷也集賢益孤勢難復 **燧庵别集** ニナー

然亦有以自取也 時事大變殊駭聽聞流竄斥逐下及幸布近年以來所 悟主聽愧恨悲痛不知所言伏惟執事愛君憂國當同 也基前月之初曽約機仲會於一山寺中為两日之款 此懷也比日不審台候何似神相正直起居當益輕健 未有也國事至此是豈細故而身遠病衰不能一言以 两唇惠書承且暫寓京口諸况便安足以為慰但比來 劉徳脩

乞文字次第諸公見之意其已死必遂其請也因定叟 然必無復全理已上告老之章只從本州保明別無陳 歸來傷疾發動證候輕於往時而氣體積衰遂不能當 |得盡所欲言自度此生決無再見之期十萬為天下國 藥未有効而傳聞愈甚病勢遂進不可支吾今雖未死 有人在此得附此書臂痛不能作字口占亦覺氣乏不 家厚自爱重乃所深望東溪先生體候何如得季章書

大きり町という

晦塵别集

時未有近日事也然已不勝憂歎懷抱抑欝又感風濕

金岁日月 人 聞亦不快深以為念文权已別附書欲作傳之數字而 也 建康人留此已外不能復俟異時相見幸為深道此意 還奉告之辱乃聞賢兄東溪先生遽啟手足而令女亦 昨大病中奉状告訣今未成行且復宿留亦可笑也然 病亦氣衰終難扶持未知復有後會之期否耳單守 不起疾為之怛然此在德門固為不淑然前輩淪沒使 劉徳脩

未知世事終何所底止耳病中経發狂疾欲舒憤遊 大己り ここう **邀峽定在何日相望盆遠非獨吾黨無以慰離索之懷** 冬尚幸一見雖不及敖承教約然亦足以粗慰平生矣 書字畫言語皆晏然如平日固已服其有定力矣時相 數日前得書處之甚適亦甚不易只去歲化亂中得其 訴穹蒼既復自疑因以易筮之得邀之家人為遯尾好 遯之占遂亟焚稿齰舌然胷中猶勃勃不能已也餘干 方學者失所依歸所擊尤不細也區區鄉慕之外去 晦庵别集 <u>=</u>

金欠口匠 則請祠竟如何相見煩為致鄙意此两日來右臂方能 椽王瓉題詩詩詞甚佳字亦絕類鶴銘疑出一手瓚字 暇日試為訪之属正則摹數本寄及為幸其桂冠之請 名姓不知便是一人否近年乃絕不見不知今尚存否 已關但据題德夫金石録云爾而文選詩中亦有此, 屈伸未暇奉記也向見焦山瘗鶴銘側有謫丹楊工曹 尚未還而小報已不允勢須再請但得冷撰舊秋亦 新季章超遷甚美論功第賞固自有次序即

白電

竊惟以道自勝無適不安神相忠賢起居萬福某衰晚 九己日日 And 但 則已得請即以屬陳安行可也 王琦詩首句云江外水不凍今年寒復遲者是也或正 可以已矣不敢必其悉從也定叟人來因得寓此殘 **禾衰萬萬以時自重不浸近而愈疏臨風惘惘** 聞當有房陵之役盖當因便拜狀不審得達几下否 向不聞聲問馳仰不自勝耳不審比日台候何似 劉徳脩 梅庵别集 Ī

真可惜也建昌陳剛正已舊見日伯恭稱之實奇士也 安然士友見之多云亦覺衰瘁也從之遂為古人尤足 金与口屋 未敢保也東方事宜計悉聞之子壽近亦通書自云頗 亦不能自脱兹幸告休得請人謂庶幾少安自料則亦 疾病去秋以來足弱氣痞遂為廢人然而罪戾至深幾 傷歎於越得書寄示洛刻亦能道示衆語不審比來問 不知曾相識否因其便人窩以此書所欲言者非幅紙 何以聞日老來始覺讀書有味所恨來日無多光陰

惜也 轉動懸車年及不敢自草奏又懶作羣公書只從州府 文叔季章想時通間問馬校書極佳士遽爾姐殞深可 可既 大己日 of Artis **基自去冬得氣痛足病之疾涉春以來盆以筋攣不能** 聞房州山水自住向見張巨山集說有檄王峽乃徼盧 一做不知有傳記可考否因風幸筆示即為廣異聞耳 劉德脩 晦塵别集

也哉 中乞騰上乃無人肯為作保官者近方得黄仲本投名 朋舊凋落類足關於時運氣脉之盛衰下至布衣之 矣機穽冥茫不容顧避姑亦聽之而已去歲數月之間 亦不能免令人憎恨無復生意然此豈人力之所能為 入社亦不知州郡意如何萬一未遂即不免徑自申省 ·處如昨近以鄉邑不静學家> 劉徳脩 城擾擾踰月今 F

金万口五

之也 決足の事 上書 難曲折為之太息吾人運數如此向來乃欲妄意以扶 歸矣間讀邸報幸復聯名而賤迹區區乃先聚賢為 張子真轉發去冬十 君周仰來訪志趣不凡知當出入門牆固應如此雖已 稱耳側聴人之未有行遣勢不能免姑靜以俟之耳度 不敢隱其固陋然磨襲浸潤之功尚不能無望於終 劉徳脩 月十 晦庵别集 日所惠書乃聞涂中 主

前日正則之疏已行旦夕公當次及矣餘干竟以極還 觀人矣甚辭職終年幸蒙聽許而諸人脾脫其勢愈急 颠持危為已任豈不誤哉比日伏想稅駕里門休息神 行亦甚了了然向更不死今必已度額矣前日聞計因 道問渴甚誤服凉劑遂不能食又感風寒遂至大故臨 都市而匿其名者不知亦傳到蜀中否得其子将書云 就其婚家哭之聞要路已有切齒者亦且得行止分明 以此十日葬矣冤哉痛哉聞有為之賦詩夢印揭之 /: | | | | | | | |

之耶 去住無策甚可念也季章得書每以丐外為言而未有 傳之云已深可傷歎文叔竟成之郡否平久比亦得書 たこりしたます 如何又却中輟不免命也臧氏其如子何 聞恐是求之不力如王與之雷孝友亦何常有人苦畱 分民逐零陵即将次及亦欲置之叛逆之科不知 李端甫 以下見蔡久軒所刊慶元書 晦塵别集 テン 帖

金分巴居台書 近日樓大防又已行遣一時流軍支夷界盡其勢必從 本路究實先所委官見其案愤駭異不敢下筆已改送 朝者已下本路體量改正次第首見及矣 頭別尋題目整頓 他官如其所請比諸人尋剥已盡或須作話頭來相料 外間沟沟未已樓大防亦不免聞林采訴冤於朝已下 劉季章 黄直卵 一番聞鄉日湖南所按吏有訴冤於

| 歌定四事全書 之蹤初亦何足言顧乃重貽有識之憂四方朋遊盖皆 其罪戾所積外知不免不謂尚爾推遷以至今日孤豚 之請事亦施行彼巍然當坐者豈亦不謝客而遭此耶 通徒步上道令人愧嘆昨日又聞有毀鄉校以還僧坊 若禍害之來未遽止此計亦非闔門塞實所能避也季 有謝絕生徒之誨然鄙性於此却有所不安姑復任之 理老朽寧復計此一聽諸天而已 祝汝玉 晦庵別集 チャ

矣交将四十年於學無所不講所賴以祛 蒙蔽者為多 默第 三在侍旁不知何故不以命之如所傳今已两月沈守仲在侍旁不知何故不以命之如所傳今已两月 不可不謹季通聲問殊不佳而其家未得的耗其季子 切宜强自振拔勿令頹陷為佳向來長沙時已覺意思 來書聞為况之適足以為慰患難如此乃是玉汝於成 不謂晚年乃以無狀之迹林連及禍遂至於此聞之痛 似南康時後來尤覺不長進今已議親為誰氏此尤 劉公度 1

但不知涕四之流落也 被受亦未見章疏云何儲行之書來說渠亦遭章說移 其聞以臺察文字已有聽職罷祠之命祠禄恰满餘未 之矣 沙定四年全售 者頗喧勢必不免然命已下又不容不盡所懷見此草 時論如此未見陽復之驗自劾之章又復不効然聞論 奏旦夕發行即束裝俟譴矣黨錮傳何必讀行且親見 蔡李通 晦庵别集 <u>+</u>

几者一 學切恐亦不能不沒及賢者亦可笑也 中恐有醫委幸見喻既欲歸黄沙想只取劉原路初欲 定方念未聞經夕動静忽辱手示竹慰律準已領圖志 先走苔口奉别今只宿市中以供發程矣 納上 日歸來意緒不佳幾成大病向晚摊表附火幸得 風土氣候果如何地主既鄉曲想必有以相處居 哥必知次第恐或要用即就請幸預戒之也里 一諸書及樂容來晚上去面納次此間書冊在書

白りも

Į

1:11

准擬矣景建詩甚佳顧鄙拙不足當耳書中甚知敬服 悉也唯干萬自愛為禱居晦適相别因語之云賤迹不 向安矣居晦來日就道某季子望婦來歸不免小兄漫 止亦便安否作到未甚定疊亦是常事少項當自妥帖 後生亦不易得似此會得人說話者也向曽說區淳者 可知若得在嶺右當得託餘此此戲語已十分作此 附數字所欲扣者非遠書所能致所可言者亦不暇究 哥前日到此云尊嫂曾少不安亦只是舊疾尋亦

たこりられかり

脚庵别集

兙

動息也 金为口屋 石雪目 門謝客者多鄙性不耐如此又已作如此斷置固不復 能顧慮也居晦必有回便幸子細作報章欲詳知彼中 否似只是全道問人可試物色収拾之也知舊相勸杜 所需廟議以乏人使今两日方寫得了適有長沙便兵 却託虞推轉致幸視至但再讀之頗覺當時匆级詞又 以達意不能無遺恨耳 章茂獻賴 先生之孫主簿某家藏

欠こうき 助 陰盛陽徽未容措手而已墮機弃耳反復諄喻盖已 也以近事 錦罷之命罪 辭命名遽被恩除控免踰月未聞賜報益重憂恐 緀縷備悉至意區區本懷亦豈恝然於此世但 人前日相見於太湖恨其發之太輕反為摩枉之 劉智夫崇之 及遭重貶耳 1.1 L.17 晦庵别集 先生之 曾孫市 八九分不可復出但所 轄浦家藏 帖

金为四月子書 其前月望日遣 遣人未還未知端的耳 數未得將上未知竟可得請否耳日間即報遲緩近亦 一
皆
が 或恐偶然妄發未必思慮到此亦不可知耳聞近到城 中恐有所聞幸子細喻及也機仲相見必敖或云集賢 無異聞但編類奏割 榻前及前日事如此恐須得 劉智夫 人入都至今木還必是值祥祭 事恐有深意不知出於 州郡但不知所 何 番禮

處得與醫念幸甚 欠こり目 となり 為國亦無不可但恐未得當此地矣做得未甚有蓝則 不能如之何因其歸謾附此恐鄉里或前路有可周旋 又不若初計平平之為善耳某懸辭未獲不敢固必但 新除未厭士友之望然以足以優游除為請外之計但 江湖住闕不可蹉過耳不然則自此一向直前捐身 劉智夫 **晦庵别集**

端的否耳周贵卿來相訪云當赴省無力可辨行計

但心力短耗目昏尤甚未知果能勝此重寄否耳 某兹聞時事曲折差慰人意最是北内康復尤為莫大 欲換得一小小軍壘或謀議官之屬為三徑資不知諸 金父也在 公能許之否聞長沙煩費力得免幸也 一慶宗社幸甚某再辭不獲無可奈何只得勉強一 扶病此來已交郡事破壞空乏不可支吾皆未暇言 劉智夫 劉智夫

當罪休但陶魔之費已六七萬散積曠野之中若不权 尤當同此情也比來物情事勢復如何人還干萬悉以 **某涕泣再拜恭聞至尊壽皇聖帝奄棄萬方痛纏普察** 而嫠不恤緯之憂有不勝言者奈何奈何版築之計直 所闻見告濫叨藩守不能有以匡衛王室永負臣子之 拾結抹則此皆為棄物矣正自未有處也 えいうう 以孤賤家被恩私悲痛旃推宣勝號訴想在朝之人 劉智夫 1. L.I 琐庵 别亲

某衰晚陽疏守藩上狀已不堪収名之恩矣忽於道問 責為萬世之罪人矣 金好四月 全書 命若便得請即自彼而歸亦不難也 又被除目超躐殊甚豈所敢當已上免章却於上饒俟 解未允勢須 新命矣若得改授次等講官使得效其尺寸亦萬 劉智夫 劉智夫 行已入文字乞許且以舊官 へ對面

難赴今遣人上奏懇解計必得之或别有行遣亦且得 無所聞徒官桃廟改服諸議後竟如何皆幸詳報長沙 免作即也機仲竟不免不知何自而發卒章所論江陵 舍功夫漸見次第遠方朋友亦已漸有來者江陵勢必 其二十日已到家疲憊雖劇然溪山之樂足以自慰精 也但事體已如此棒土以塞孟津恐未必能有益耳 **火己の手から ||** 則將軍都郎屬耳與王何自知之即近事大者都 劉智夫 姆歷别集

金为口屋 月章 廟額已得之否趙主事如何渠更旬月須復往且得必 近報所見至臘月六日矣未聞所喻之說但仲本書亦 須勿今觸罷為幸吳彭二文學到都吳已年及只可得 可念也 須關儀曹亦已為作季路書亦告為督之士老而貧力 祠禄已託平父語南强早發遣之并煩道及尤幸聞又 云然殊不可晓泰亨之世庸瑣自當處外顧乃為此則 劉智夫

たこうう かき **蜀相之名想已聞之不知何意也廷老歸塗必相見所** 於朝得僧牒以治邊防今具支遣之數申省如此則師 其為處亦過矣且使人如何可受邪小報沙世堅自請 恐有不如矣 之遣人來亦有近事未有異於前日之歎豈惟不異正 復安用此等事若整頓著便成痕迹只得力解耳鄭溥 -外不得書但聞未御常朝臣子之心殊不自安耳 劉智夫 梅庵别集 弄四

金分四月五十 信州處來云聞已出六和復入居僧坊不知此數日 散俟天命耳 ,概不相遠也身在遠外無從效尺寸但知勉脩 約書聞已御延和非外當出視外朝也又云揆亦 不安中間有投匿名於省中專斥之復有客自王 小事積累件意近有隨龍關姓名人 劉智夫 識者憂之不知果如何耳 守楚者差除

輕而衰晚且得休息亦良幸爾 孫劉而獨問此恐亦不能無說也 知渠以為如何縱未必盡以為然亦須少減分數也 議然其向正之意亦多或當言路不可令以罪去不 云因從官夜對及臺諫之去國者故特問之然不問 殊不及昨來除命中曲折也此既不是為時勢 劉智夫 |競附來書昨日答之畧言泉相舉措雖 每春刊景 蓋

一多定四庫 全書 不便耳 傳聞或過當然亦不能無少失要之善良自安强獨者 勇猛直前便以頭目腦髓布施亦無不可也色中之事 所喻行止之計誠為難處且看所遣人還消息如何若 近報相君已參告復給朝假馬會叔竟以林和叔文字 不知所聞如何其人見事明快頗分曲直不樂者衆恐 劉智夫 劉智夫

當改除或得祠也林擇之書云天官此 除職守潤却名趙德老為版曹而趙俊臣移温陵恐顏 疏近方見之昨日見張宰云大坡親戚遇者能關由婺 也前日以書勸其勿深論細事如舍法之類得報殊 頗契合而得其書與其壻書乃皆有丐外之意不知何 謂然方欲再論甚力其不知務如此亦可怪耳 女報復而然遂使前日之言不幸而偶中關此紛紛 **? 5** 劉智夫 梅奎則集 二宣對言語 卖

不知所底止也 可告語者想已不憚力言之也 處之何慮之淺乘此正當力為久遠計耳諸公誰為 斟酌分數盖不草草 後來復如何竟已清明堅定否諸公似欲便以無 劉智夫

飲定四車全書 ■ 「時度別来」 數日前得書方引孔子做服事見教今乃懸鶉百結而 集議者愈不謂然或者又謂劉公碩年於狀中塗去數 如復從之不能預以為慮也陳彭楊項竟又不免子直 其才力以赴事功麋鹿雖走山林其命固亦有所懸矣 字其人雖甚不樂而不能止今又徒官計且逸選矣某 祠請度未必遂見元善説建議之人雖有睥睨之意而 一聞亦甚机捏此數日却無所聞然後生可畏各欲奮 劉智夫 主

問也 定想諸人自能報去矣所幸早稻極佳公私亦多方採 恤或可不至狼狽杜門待盡且願如此它皆有所不暇 勉者惟在此耳 亦豈吾人展布四體之秋即官閱讀書盖進德業所 不能自免亦可笑也里中令歲艱食 湘聞亦得中熟諸事想不至甚費力然今時勢如此 劉智夫 路官吏向在任不外不能遍知所 番紛擾今猶未 P

諸司薦之不知已滿未也其代者即趙希漢却有才但 劉正學皆有才可使今嘗薦之長沙还管姓者為其亦 者界已舉之矣但零陵及彭銓者子壽之任人多稱之 飲定四車全書· 也潘叔昌在全州老矣方用得關陞狀亦嘗薦之方謀 深以不及為恨耳潭幕支使王楘善化今張維寧鄉簿 恐未必可賴今將滿矣甚可念也李衡陽亦甚佳近見 諸司列言之而未及近聞林和权舉自代舉主無氣 使善化尉吾姓浦城人者修學斷事亦可觀未及薦 晦塵別其

當裁其過甚耳諸郡惟武岡是姨弟明敏有素政公可 善益之德夫相繼罪逐搜羅扶剔無遺力矣吾徒皆不 觀亦幸詧之勿以厥弟為累也廷老法應相避何以處 ヨント 之渠為作湘西精舍已成恐有合求助處幸留念也元 比也辭職告老再上未報今必已有處分勢須鐫職罷 可保道學文字鉤連隅落如武侯營壘非華宗浪戰之 但恐向上更有行遣耳山谷說具重 劉智去 滅圖 中

版定四車 全書- M 其必借此美名以行私意也德夫之說以此所聞參之 力解也叔通事竟不得所起或云即向來起事之人 亦有此理然殊非所望於蕭傳亦可數息耳南昌昨聞 報所喻文字得城中相識書云有之雖未見全文然意 云當入城遊說不效而歸不知果然否也 耶然則三山果誰得之金陵聞尚前却未定計未必能 一移汪宣城而沈維祖者代之今此副福之傳又何謂 晦極別集

邑中數日争戦報復洶淘未定而罷書已至絕不見即

我里也 正之諸人皆已薄周之恐不能給歸塗之費不知能 忽聞季通聲問殊惡令 鄉 慮想治下當不至此間衛信亦自寬裕不知何 西湖南两趙漕書否其它公路有可嘱者并马 劉智夫 劉智夫 番荒擾今方小定又苦雷風慮損秋稼嗣散尚 1. 卷 傷但不能為懷聞彦中

次之四事全事-其前日走後山間季通之極已過翠嵐遂過彼哭之悲 自此未必遽敢越竟而東也 目未頒然想已有定議旦晚當有聞也仲本得書否計 適報機仲諸人檢舉奉祠宋臣得竟陵而復繳罷張巖 人臺想皆已見之不知其間一二曲折果何謂也除 劉智夫 劉智夫 **跨庵別集** 7

ヨシュ 私莫以為慮不當遽言又謂今夏緣官司勘喻椿米發 仲令達此意於有位大蒙痛詆以為所損未見分數 夕方歸疲憊殊甚外事未有所聞但歲儉可憂所至皆 不能自勝然人生會如此亦將不暇悲彼而自悲矣昨 發糶不得無以自存緩急之際官司自有常平 山間有絕以處細民不易可憐也當以書語機 į 怪無 也以 八以為備不當求細民之譽級上户之 謂賢者亦為此言他尚 何望耶 怨此來皆

於定四事全書 遣人在道阻滞也諸書荷留念但歸期恐亦難料盖所 近報荷垂示比得機仲書今録呈但色中不逞又以詭 名訴儲室遷學於儀曹叔通亦為所指邑军乃不敢喚 屬官司有擔荷未必容其自便耳 河詢 ,供對數日擾擾未知作何出場大抵所訴無)傳浸客而其家問竟不至不知何故如此必是 劉智夫 劉智夫 酶庵别集

詞之實詞人乃學長卓定等彼固非學長然亦未當出 詞訴便作間人調度矣但印記尚在身未得十分蕭散 辭免文字江西指揮至今未到已據部吏狀揭榜謝絕 吾昨日過遂昌今日方深追遠之痛忽得汝書知與婦 只候命下便發遣回去台越之事不足深怪吾平 俱安稍寬吾意吾昨日方被進職之命今日造 正其安者可以 官司諸生 其安者可欺可其安者可欺可 與長兒書 可數 敢

學不得力只是先辨得此 子約煩致意或能同來尤幸吾又欲 禁諸公相問訊欲相見答書時兄甚忘記謝之可無報 約子約來玉山相聚不知果能來否渠書中說汪潘康 量今日真試 寮臧倉之所能為也陳了翁說人當自武以觀已之力 心却是間眼君恩民病雖不敢忘然亦有時節固非伯 不敢坐邀汝可為禀看能來即又大幸也高劉二 過耳叔昌得書却似未悉此意也吾只 一着如今衆人扼腕時節 見潘丈及叔昌 一君亦

次記写 全馬

晦處別集

1

出入 為致意想便來相聚矣不及别書也汝想未能來且省 改過不可錯準擬只當益加戒心耳至祝至祝吾後七 掠者建陽江墩即城近一 若成來固幸若不成可早遣一介相報也 H 可過衢州城外重九日次第可到界上住三日諸公 田亦小荒籍今年到處如此平父歸說信州恐有剽 人他人凶猾吾甚為汝憂之切宜深自防也渠豈能 林擇之用中 文公之曾孫濟家藏録稿

原不閥 民之四軍全書- · 未知所以為善後之計也元履近日議論多如此如 材尤要 州府止從 種穩當不住事之人此不可晚要是 多愈見畏縮耳 配棣又間中 晦長别集 道而逐矣姦民愈無忌 罕

梅庵别集卷 老

昨日節暑禮儀尚有二節可疑敢以求教書儀中 欽定四庫全書 飲定四庫─全書· 禮今既用轎子不知只就廳上否如此則婦先 揖婦降自西陪至婦轎所立舉黨以俟前日見先生云 梅庵别集卷二 用車不可升 書 胡籍溪先生 一階乃就階下置車故有降自西階之 晦庵別集 シス 下胡德芳家藏 朱子 撰

婦既用轎子則只就廳上壻却須就廳前上馬舉 見有舉蒙首之禮未知今如何乞批以見教 舉家首之禮適檢伊川集有之乃未就坐飲食時行之 後降自西陷以出矣又婦既入壻之家壻導婦以入 今想已不及矣 禮溫公不說少間檢伊川集續報去也 逈 以下沙隨之孫仲熊家藏

欠己日日 白馬 寒未畢畢即拜呈求教矣聞人丈項年見之三山扣以 **處汎考古書及今方言此類盖不勝舉也詩説見此抄** 四聲例也近因推考見吳才老工夫儘多但亦有未盡 如積劲植囿淺昧晰七字恐合入四聲互用例中不知 何故却入此門亦乞見教麒之為極十之為諶似亦是 示及古韵通式簡約通貫警發為多四聲互用無可 但切響二字不審義例如何幸望詳賜指喻又其間 數事甚蒙知獎但恨不得夫盡其說耳幽詩之說 晦庵别集

金万口 則恐未然蓋破斧以後諸詩未必是周大夫剌朝廷之 所 見教為望汀鹽之數已極手直之策未為不然橫為諸 此自小序之誤耳它日繆說得徹尊聽當為印證其 而搖擊其不然乃所願也所喻詩論十篇便中 欲更張者尤廣觀此事勢如何行得近聞諸司於舊 排使不得伸 小康費便謂可革宿獎以 方之民可謂重不幸矣晦伯書來

とこうう 為便亦録得中間解折范容州割子畫 於耳學竟未知其端的也廣西鹽法近得詹丈書極以 拜呈也四管成易正為易字即是變字故其下文便以 意所疑不謂汪丈亦有此說近亦條具數處并俟後便 四管也凡為四管者三乃成一爻為四管者十 也月椿條對亦乞順指録以見教此事從來只是得 此以積數文義求之皆無所礙不審尊意以為如 一變 死之再 抄後掛即所謂再牒三牒者是又 **晦 遇 別 焦** 一來而自彼來

易設使便有姚元崇真有濟世之術亦未必得如其意 傳聞亦難盡信大抵近世作事利民者常苦於掣肘 者無不以州郡窘乏為言不知的是如何地遠難進度 記文尤荷不鄙但此事今日老文在彼晚學小生豈當 此可數也又蒙別帝垂喻俞廣文立二公祠之意使為 不得行其為民害者則因循茍且上下尊守以為不可 日文成區區得以題額附名左方亦云幸矣幸達此意 取而妄為之此决不敢 承命若廣文有請於門下 而

金与四月全書

卷

改定四車全書· 覺其偏有所助致生它疾此見平時所養之厚而所謂 附子為近世通用常樂它人服之未見其熟老丈乃獨 矣豈有大師在是而晚生小子敢肆妄言於其側者乎 無妄之樂者真不可武之驗也二賢祠記前書已拜稟 亦令去請教也 於廣文敬此筆以俟命也前浦城主簿任希夷經由請 與其進而教誨之其人有志於學守官不苟王漕 程可从 晦庵別集

州縣祈水旱政和新禮所不載而通典開元禮尚有 况陳公平生只得 有誤字旦夕校畢拜呈以求教誨也易中七八九六之 向蒙喻及詩論前書拜請幸早寄示謬說已無就然尚 深又非小生之比恐不得而辭也因便寓此偶數 何自而起說者雖衆終未甚安不審尊意以為如 雨倦甚又積書問頗多未暇罄所欲言 **禱全無所据苟且從俗於心有未** 見若汪公則老丈将從之人投 Ð 分

飲定四庫全書! 别為判刻殊勝今越中 寒阻風昨夕始到三衛更一 **敬面奏行下取索則又未及而去每念此書溫公所以** 支吾皆餘芘之及也鄉在長沙嘗得溫公稽古録正本 知髙明非私於某者然不能不以為媤也區區舟行冒 匆匆去國深荷眷存既行之後又知榻前開陳之力固 鄭尚書惠叔係 梅庵别集 本欲俟成書奏御未竟而來又 見前 二日始遂南去病軀幸 陽所 刋 稽古龢後

恐罪累之跡延及先賢反致忠言不得聞達也聞中司 願忠君父之志更歷三朝然後成就其論人 無讀官幸更與議之同君舉子壽諸公共白之也 而材有五者尤為懇切不可不使聖主聞之不知可 言及之行下本州取索投進否然不必及某姓名 不送前書已詳言何不見悉即墓刻不敢忘幸 (寓得亦多是應用文字非吾弟今日問學所 洵 下洪正學刊允夫家藏帖 君之德有

泰遂以至此尤重不孝之罪每 其重念先世南來ハ 少寬之誰傳非病翁所作乃原仲致中二丈見之其說 とこうえ 亦有病非學問正脉也遺書中 可熟味之便見學問正當用力處矣 窮約以不肖子與世不詣之故憂窘萬狀無 程允夫 1.1 4.17 人度嶺今無 晦庵别亲 李端伯劉質夫所録極 念至此心肝如抽裂 人在者而老人 ን Ħ

金页四月 有書 其家中 自先, 所喻立户事無不可但先人已立户甚又自立 免俗然亦只求一 以自立於州里之間矣此甚可懼不可視為常事而緩 淺處若不痛加憋室非惟無以仰窺聖賢閩域恐亦無 於理未安更詳度示喻 **示喻為學之意此正克已功夫所當用力然猶是至粗** 以來不用浮屠法今謹用但上地未能 一平稳處尚未有定論計不出今冬也 户恐

和處此中時有便人往還也所諭向來解紛之意固是 言耳觀書或有所疑因便疏示問時寫得便可旋寄 有所不至故其末流之與至於如此此當深自悔責而 子今當彼此各致其功庶異時相見無所愧於今日 於檢制也上蔡之言警切至到真當朝夕提撕然論 たこうき 此然亦平日持已不嚴故擇交不審而責善之道 則區區所愧亦已多矣尚何以為賢者觀省之 似未有此意恐更當反復鄙言母以 酶庵别集 助

金少四屋 前說自怨也所要文字正冗未暇發思齊銘亦已忘記 義理故不得而辭來喻之云非所望於親友間也近思 又無草本要不必爾但得識之於心而見諸行事則為 敢遠寄且亦未定不欲廣傳也定性書解在別紙亦勿 已成尚未寄到到即附去中庸無人寫得只有一本 有以發於愚言矣祠閣二記皆不成文字但欲畧見此 為住雲谷記已寓寄李文矣 台量 帖新 安

養本原為先講論經肯特以輔此而已向來泛滥出 住年誤欲作文近年頗覺非力所及遂已罷去不能弱 其兄以為顏子以來一 學愚意二家之說不可同日而語黃門議論所守僅賢 情其問頗覺省事講學近見延平李先生始晷窺門內 其所說到緊要處便差了養氣 無所適從名為學問而實何有亦可笑耳示喻蘇程之 而疾病乘之未知終得從事於斯否耳大概此事以涵 くれる 1.1. 人而已恐未然頃因讀孟子見 梅庵别集 一章尤無倫理觀此

味則世間 好處如今不須雜博却不濟事無以拾也若果如此有 巡泳其間當自有得然後此等文字可循次而及方見 俟病少間當為尋問也然此書精深難窺測要其本原 淵源來歷不甚深也正家建陽舊有本近來人不曾見 多好四月 全書 方了國風小雅二書后頗可觀或有盖於初學恨不令 看得矣近集諸公孟子說為一書已就養又為詩集傳 則不出六經語孟且熟讀語孟以程門諸公之說求之 一種無緊要文字皆為妄言綺語自無工夫 卷

時得面論而後下手乃為穩當先集亦難於出之正亦 吾弟見之又恨相去稍遠不能得吾弟來相助成之也 人名印西 白子司 表叔墓刻不敢忘重煩督趣愧恐然此尚有少曲折 子然姑以寄意馬可耳 有所疑耳吾弟近所為詩文有可寄示者否其向到湘 篇去此等開言語正使絕出亦何所用况又不能佳 所語甚多然皆草率不足觀謾令大兒寓拜魏公墓 程允夫 晦庵别集

觀志觀行此章上蔡謝先生言之最詳盡大抵聖人本 金好四月百十 君业 此而言也 天命之謂性則通天下 人指氣質之性而言孟子所謂大牛人性之殊者亦指 只論孝子之心耳至於事有不得不改者又出於不]非其心本然也此義亦通上下而言不必專指 程允夫 性耳何相近之有言相近者

意同須要識得方有下功夫處不然才看意便是正才 浩然之氣大剛直當從伊川之說更宜深思必有事馬 則由忠恕可以至道也子思之言是也二先生及上蔡 得箇本體始得明道舉為飛魚躍活際縣地以為與此 自聖人言之忠恕即道也曽子之言是也自學者言之 而勿正心勿忘勿助長此固是下工夫處然於此須識 不着意便是忘無有是處 此詳矣宜深體味之不可只恁麽說過 1.1. 安卷 列作

一多定四年 全書 聖人之於天道詳來問似看此章大意未分明摘句理 心住 聞以職事件上官暫移他局不知所争何事若所當争 會宜其不通 倉臺即以書道吾弟及一二知友姓名得其書乃云雖 刀見所守此外榮辱不足道也昨誤聞劉智夫得江西 不自見耳所謂道心惟假者此也 段語皆有病心固未當亡但人舍之則有時而 程允夫

趙詹皆已行遣此獨漏網有所未安已上自動之章 憲為誰耳此辭職告老皆未允而向來阜陵異議之 出妄傳然已為轉語王南强矣計必能相知但未知新 不復為求全計矣 一意必無他但勢必不免於何劉之口亦已判然於 病脚恰一 語默之有時然語已在前矣今欲默之能有所及乎 程允夫 月矣尚未能履地而時論又攻之於外 每昼川東 医

者勿受可也命尾之喻已悉然皐陶宥之而充曰殺之 學徒不欲一旦盡遣恐或反致張皇然已不多自此來 料之亦次知其不能人既而果聞已有奉祠之命矣却 永惠書又知開府以來經理次第尤以為

然以時勢 母刀两失其職即 不見有文字想又從中而下也此在髙明無所輕重但 間傳有名節固疑其非美意已乃不然方以為喜及 彭子壽龜年 ۲X 下止堂之孫让家藏

指紳而已也想以此故亦未能釋然奈何奈何某今夏 應獨免遂以自動章上計令已有行遣顧地遠未即聞 將欲受之而去歲曾議敢陵者例皆獲罪自惟狂妄不 5. 5) !! 耳間中讀書却有味但目已偏盲其未盲者亦日益昏 病幾死亟上挂冠之請并辭近職蒙上厚恩未即 用力太多亦是 閱頗艱耳緣此間坐却有恬養功夫始知前此文字 , 信, 日, 甚 日其势必須大有處分其禍不止 病盖欲應事先須窮理而欲窮理 **麥卷列集** ナニ 聴

亂而無所差錯若只如此終日馳騖何緣見得事理分 但後輩失此典刑亦自可恨也舟御不經于越否亦聞 用背時可笑大率如此也鄰林逝去在渠萬年固無恨 雄附遠寄良荷扶衰之意茶五十餅漫附回使以供 又須養得心地本原虚静明澈方能察見幾微剖析 說推之則其受病之原與夫用藥之方皆可見矣 正為此也漁溪諸書亦多是發此意下問之意但 程夫子所謂學莫先於致知又未有致知而不在 粗

多定匹

既不自保又深為諸賢憂之夏中之病由此增劇中間 得玩心卒究大業安知天意不以是玉汝於成乎願益 勉旃以慰期望零陵經由頗得從容否復有一書幸 得張元徳書竊聞大施已次豫章今當稅駕里門矣作 くこうえ)否度不免一南棘得免踰崎幸也茂獻必相會賤迹 小定今又復作人謀不可及矣奈何奈何 番應接有不能免者然自此杜門少体神觀益 彭子壽 li Lin 晦庵别集 さニ

遣我得不浮沈乃幸 金页四月日書 非得 雖未有定論然亦當不至疎脱但水利 去已申 某到此緣所請未報邦 煩吾友攝其事主此工役不知可來否專令此 見任官主持不可下手其已撥萬稱今使與食 省且弱此矣黄岩難濟得伯和諸公在此商 孫季和應時 欲得賢者復來見欲差出縣丞却 ドノ 恐虎兒復出於押邀留不得 下季和之子祖 事間公以為 開 家 擮 量

則都是 燭溪蕭寺項歲盖當 煩有 **人三司司 八方** 相從不勝遐想也精舍諸題悉煩着語屬意皆不淺 詢何 者有 大 亦無不可但在賢者之來與否耳却 紅籌度見報若不穩當則當别為中 不知非常 孫季和 俱無機能之憂向後七得錢更增益之耳 餘姚之早與上虞分數如何幸博詢見諭 审 來否 此事非小若得黄嚴無水如何欲此事非小若得黄嚴無水 至其問今間挾書過彼亦有學 晦庵别集 度見任官不可來幸 十四 可來 置 r 為,

金少口屋 為幸 寬以居之卒究遠大之業幸甚 賢者無集衆善不倚於一偏者或寡失更望虚心玩理 來喻諄悉備詳為學次第甚慰所懷大抵學者專務持 及所得所疑有可見告者因來及一二以發講論之端 三復數想恨不即同語言也比來觀書日用必有程度 守者見理多不明專務講學者又無地以為之本能如 孫季和

武夷佳句足見雅懷更求 繼至無詞可以却之朋友間如楊子直書儘有法如不 恐應接稍布可以具藥便并送崇禮處令轉致也但書 石須更屬人盖目昏殊甚不堪此役 先志不敢忘但以家居困賓客無緣得就今既之官却 くこうう 當為轉求也 孫季和 孫季和 1. A.I. 晦庵别集 **於為眼日見寄** 破例之後求者

其所自來之 見之否其說雖未定然大 未定而為人 示及易說意甚精密但近世言易者直棄 理致文義牽強無歸宿此獎外矣要須先以下筮占 意求經文本意而復以傳釋之則其命詞之意 嘗 傳出摹印近 故皆可漸次而見矣舊讀此書當有私記 亨 貞 概 雖収毁而傳布已多不知曾 可見循 卜得 如板言 刀 孔此 此求之庶不為 卦 子 小序不可考 推說非文者大亨而 卜筮而虚 談

金牙四月子書

數簡遂誤以為成王時書然其詞以康权為弟而自稱 誤以為周公語康叔而不之正也其可疑處類此非 寡兄追誦文王而不及武王其非周公成王時語的甚 如康語等篇决是武王時書却因周公初基以下錯 次足四軍全書 全非今孔氏書也雖其詞麗亂不若令書之懿然亦 一皆當言之 村老胡明 公雖用其體而不全取其文如商紀中所載湯 1體或未必全是師法書亭也 2至於梓材半篇全是臣下告君之詞而亦 晦庵别集 孔安國受書從按漢書邊當從 出

諸篇大意皆正當而詞指清婉可喜此雖餘事然亦見 暇落筆今當少暇旦夕得成當并寄叔度轉達也記序 有報章并書冊一匣寄之煩為帶行達之此公未識面 游藝之不苟也入蜀不過荆門否近得劉德修 筆恐無是理也先墓志文不敢忘但為歸來悲冗中 其意則甚誠切矣亦可敬也 而書來極勤懸前日之舉全類東漢諸賢計雖甚疎而 抵古書多此體如易序卦亦是此類若便斷為孔子之 一恐即君以姚家之故不 書

金りにえ

ノ・コー

沙包里全書 一个 某衰老多病益甚於前今两足拘重不復能動已两 復曾致思所示行實諸書亦已卷藏不在目前自此或 月矣度氣血已衰無復完健之理只得未死且爾 **無須調護之** 向承喻及祠記码文以例不敢為人作文字遂 孫季和 矣然世道如此臭味凋落日見稀少亦何用 奏只得一申省状亦且餐去或者恐觸禍機人欲告老今方及格不敢自請而外郡不為 此非為劉乃為其計也可嘆可嘆 晦庵别集____ 弓 然保 Ð

然後出之時運固巨量但恐壽非金石不能俟耳祠記 然不知何時所加項年曾為申請禮寺行下亦無的文 熙所頒祀禮乃為吳公盖十子皆因唐之舊自侯而 有便别為寫 上工夫又如何似聞頗留意於詩文此亦恐虚度光陰 云可為慨歎此固無復可以及人但不知年來自己 亦然但子游之封在唐為吳侯在政和為丹陽公而淳 通來眼日試為整齊看如何然必三年 通去可試考之也命尾無可講說

欠三日臣 二手 史公入覲不知復何所處禮畢亟歸亦佳事也其去秋 數語漫錄去度未可刺以速活城之禍幸且深藏之也 也有如東朽至於今日乃始追恨向來之懶惰今欲加 昨需祠記本不敢作以題目稍新不能自己畧為草 功而日子鋪排已不遍矣此當以為戒而不可學也 以病請祠不遂此間亦可少安而忽有長子之丧悲痛 孫季和 孫季和 晦庵别集

垂分四月 有書 慘怛無復生意請祠諸公已 意也寧海僧竟如何東異好德豈容泯滅於此可驗試 異時未死終當如志也新刻數書各往 寄語招呼之岩其意堅可率朋友合力助之以成其志 欲各寄 行匆匆又不暇詳悉所委文字亦未能遂就然不敢忘 去此矣外欲遣人至越中而未暇及今始能作書而迫 細事也 本而偶盡遂不能及亦不暇作書只煩為道 |相諾而未被命計旦夕即 本崇禮兄弟

黄子來相尋具言近况為慰但求教竟不之領又以為 昨承有名命深以為喜然亦不知行止之計偶到城中 欠こう き 吐所學甚慰士友之望正學以言而不失淺深緩急之 宜在賢者必已講之熟矣黄子又說頗欲多所論白 恐徒取草野倨侮之識而匆匆晷刻之間勢必不容詳 比日伏惟于役有相今或已至任所矣奏對得以伸 反復則是無故偏觸衆事之機紛冗錯雜而終無感 劉子澄清之 <u>۲</u>. ۲۰ 刋 梅庵别集 静春 下廬 家 瓶 此

致後日 寤之 吾輩 而開納固為莫大之幸萬 日猶可尋釋其端緒而終其說也它則非問人 理不若畧舉大體切於上心者專指而極言之幸 事力所及正不須太遽也 昨但伯恭逝去令 劉子澄 悔也黄子又說見問 指陳者在明者熟慮而徐應之母為匆匆 未即 悲痛不可言昨常以子 村之意此等事度非 聽從亦足以為之 / 遠 ショシ

金月四月 全書

某在家應接隨分擾擾偷問修得中庸及孟子下冊孟 計告作書宛轉托子静送去相報近聞渠已入浙此書 句 子得公度卷子甚濟事也今且修此經書通鑑看将來 恐未即達然部報中必已見之傷悼之懷相與同之也 とこうる 如何恐心目俱昏未必了得終遺恨於身後耳西山長 知天意如何吾人不可不自勉未死已前協力支撑也 去年方哭散夫今伯恭又如許吾道之衰一至於此不 及還家四言意象蕭散吟玩不能去心欲作數語奉 <u>~</u> 1.1.1 晦庵 利来

更有一 醫治得寬平問眼此子無晚年身心稍安樂也沅倅 抄錄不妨若作意以拾搜尋布置即費心力亦須且省 雖雜篇所以不如前意思終是好本子見録未得附還 答自覺意思局迫恐不能住此是膏肓之病不知如何 兄墓表草定納呈不知可用否公度何為至今未歸報 一録亦佳但如此編錄得無勞心否因看書所得隨手 亦未見所擬官何即曹子跋語并往歸來方得細看 一處當畧修耳近思續錄俟旦夕看畢奉報

金分口屋有書

葛學須静也全文告因便録示千萬荆州論語甚改得 審聽當有餘却不及此公俊偉明快也韜仲不苟如此 くこうき 不易其兄晦伯亦甚好它日旨未可量也子王不聞問)夕有尤川便當寄書與之擇之何為至今不見歸 近遣 比舊本大不相似若不死更長進深可痛惜伯恭詳 為佳也盖中 '人來納幣甥女不成却是某女子也集來春 たたう 2行今既聞伯恭計决當如約某當 年精力非少日可比不可不愛惜耳 酶庵别来 主 同

多方と 去矣陳正已今在甚處公度當已歸來春之約不知竟 論其事號中得周參書亦於報書中題之未知竟 伯恭亦不欲與前約也鄭景望亦殊可傷前書當報 差稔但剽掠公行甚於常歲州縣坐視不復 今年比之去年 何也甚忽随 A 江湖間水旱蝮蝨民已薦機不知州縣有無措 推賞諸公不為施行前日不免於詞免狀 例治誤恩愈有罪無功不敢受又昨 事體尤不易也盧陵當不至此此 介意此 眉

敏定匹庫 全書 趣儘好恨不得飲曲講論今既相遠又無由得相聚 敢借易然此却好題目但恨晚軍不當作又苦心力衰 文得書却來說及鄉林集要序甚恨未得見也序文豈 幼而解事甚可惜今此兒未有親不能不掛懷抱耳向 可傷平父次女與泰兒同歲向許議昏近亦不育其女 尚得書朱君孝何字偶不記憶更告批喻彼中 畏作文字耳景陽明年且在致遠家否向見其說話意 亦殊可慮耳着集中外俱安諸即 · N 海 用 集 住茂爱女天 ŧ 交遊學

儀附之 亦不易但陸子静亦入此保社不知果已行未再惠况 故旦夕更屬新將也弟子職女戒本各為冊而皆以雜 紙墨筆的良以愧感無物可寄祭禮及二 之昨得延之處祭禮三家方屬鄭丈補入而果已 本不容復改然此無多字致速更能發版流行 讀誦為便也家小兒女各 品題以來尤幸史老所薦皆制東知名士 一事也但女戒向見伯恭說欲刪 収入 今此冊為印者所并又缺

两處忘記問之不知向來曽説及否吕氏二書似亦可 刻升廣之也

某還自莆中道間大病幾不能支即家月餘幸未即 劉子澄

然神氣衰憊比之春中又什四五矣雲臺將滿方欲俟

蒙朝廷檢舉直差雖似小小行遣聞新挨却甚以為恩 批書畢遣人宛轉發懸復求舊秩忽尤延之送物來乃

卧定四車全書 意亦為一番勞擾但去冬案後収坐未曾决遣不知此 **晦庵别集**

慕而未相識如張元善者尤拳拳也先聖象尚寄示然 能深以為憂也王漕送示二月十一 此乃湖學所藏的陵賜安定本向見陳明仲有之因託 之要當極力再請以得為期得朝士書旨云爾其相 得知之何其晚即今自効之章復久未報不知何以處 定叟傳得其溫良恭遜之容比此又精善恨未得今兄 不自勝但趙南紀云長沙中冬巳見報而老兄正初始 又折得過否耳只恐反露総索觸着駭機亦復任之不 日手書三復喜慰

盖已在甚處所欲言甚衆例不敢出自覺近日意思頗 當有所傳也偶有便人草率附此不知書到時朱幡皂 去朝真年衰易感不覺涕四之横集也 愛直記文甚住昨日拜鴻慶粉偶得 至於如此可懼可懼 見之也所謂顏子者相傳是伯魚薛士龍亦云恐湖學 えこうう 似向來所甚惡者喻玉泉之論其年力顏侵志不勝氣 ,烟塵白髮祠官感慨新北望干門空引籍不知何 1.1. 晦庵别集 絕云舊京原廟 計 Ð

記憶之語又似戲謔病根依然故在也克己工夫不是 體益住健但不知求去不遂之後諸事又當如何想亦 前書所喻祭禮之位昨因當以為疑但不如此又難區 易事願益加意而勉馬則區區之幸也 不以此而改其度也細讀來書似於此未能忘懷獨蒙 **吳大年附到春間所予書足以為慰比想經暑涉秋尊** 我好四月 全書 王子合遇 劉子澄 子合之住孫鎔家藏

為愈也 處若只祭三世猶可以曽祖考妣居中 東位考如之坐已自難設祖考東 坐東西相見亦甚不便似不若只以南向西上為定 えんしり ラー ハナョ 南向即與今 劉共甫 若祭四世則 敵两禮两 不對 相向設位 分設 叉 尊 ٧X 似 甲 位居中二位居東 晦庵别集 况左的右移亦是異廟而廟 胡德方家藏 不同又相向設位則舅婦 便而 西西如則 而祖東考西然 位居西 東妣 主 與迫 皆

金が四 自領鄂治所賜書後一向不聞問或云體候當小不 窺覘有所竊議此為增崇堂實鎮服夷夏之本甚恨 際寄任亦不為輕更願進德愛身審於舉指母使中 外矣宰路虚席國論 不知所苦何悉淺深如何遠方無由得的信徒有懸情 公宜還釣軸尚此遲遲不無觖望然上流之重當此之 比日秋凉伏惟忠勤有相釣候萬福向來微恙失去)遠不獲以時客罄所懷雖在荒迷不忘憂歎耳 月量 新幾做之間安危所係眾調明

月

調度 牵制回奪則於此不難處矣孔明擇婦正得跟女奉 宜外處伏惟深以家國大慮為心勿為目前華靡細 隆重者則寡欲養心之助與為多馬其自罹禍罰號菜 資然竊意其智慮之所以日益精明成望之所以日 區過計以為萬 八所不堪彼其正大之氣經綸之蘊固已得於 知前日所學問者極為草草而欲以此仰 事稍得温習得學苦淡寂寥之中時有絲 氣體小或未復故常則塞垣高秋 每餐列集 it 益

聖賢下脱塵俗亦以難矣方作書為欽夫言之想其未 學者自立意見别作 免於此也然此事自古聖賢近代先覺言之已詳病在 難復权拾願日取古聖賢書熟讀深思以祛物慾之 所謂寡欲養心者其大端也不識高明亦有意乎荆州 聞極荒凉無賢士大夫可奉談族人心至危恐久流放 甚欽夫造朝後至今未得書不知所論如何想彼 般主張耳其詳非面莫能完顧

一致定四庫 全書

歲前嘗以書附族叔司理除夕得書云開正方得行 不審已達未也此叔年已凝選格今該慶恩恐可祭部 者尚未有所歸亦可名而使也前書所稟孫教授者果 安之前後莫能及近宰新喻無故為程泰之按罷客於 不知曾識之否其人 į 江貧甚幾不能自食江西人士皆稱而憐之如此 /垂念幸甚張亦非敢有過堂也舊歐寧字劉元升 劉共甫 人潔庶晓事再為歐寧事辨而民 每尾川東 ユナン

歌定四庫 全書 恐又當降意求之若俟其僕僕以求已則終不可以得 涉其境見其士民交口稱頌浦城之政細民尤安樂之 書為政之意甚美但所請與諸司均節 建陽科飯煩擾首動治之此两事甚佳也欽夫歲前得 也安道此來未及相見浦城為守侯所窘爆來始安跡 一矣此有都武守楊獬浦城宰吳煥政皆可觀近以事 如近復細讀其文必自重而不苟合者似此一 行有文學非俗吏它時恐亦可備使令幸客記之

13.1

皆以此為心不俟人之求己而汲汲於求人則天下 為可恃而留意於此此尤可敬者使當世王公大 知者必以為侵官不知終能協濟否所論鹽法利害煩 私門不幸老婦自去夏得疾在并喻年療治無瘳此至 與閩中相似集但深排鈔法而以官般為善不知官般 マニシラ ハシラ 有遺才廢事乎甚可歎也 果能無弊否其求訪人才之意孜孜不倦不自以其才 劉共甫 晦晦别集 芝

聞昨來諸公将上 明 将來百緒便有不能不關心者尤非衰懶所宜未知 白其不可遂止不爾則愈見顛沛然聖恩深厚何 想亦未免再請也其祠敕已下適此衰懲尚未及拜受 以為計也昨間尊體做不安深以憂念及此奉告乃始 深 然請祠未遂又聞繼有勞賜之寵此盖事功較著聖 知雖有讒邪無間可入或者不復人勞於外矣然 日遂至不起痛悼悽切不能自堪加以幼累滿 一辭免文字上復有除職之命幸 前 所

多好四年 有書

策事想悉聞之明主可為忠言自是士大夫顧望蓄縮 趙漕去時意象甚不平不知今相見後復如何也昨蒙 報唯有修身守道以求無負電嘉之意而已欽夫得書 委曲避就養成今日之勢今又自彼上言之後寂然 **喻及微約文字不知曾為別奏否更得留念幸甚盖雖** とこうら シュー 已有為之者更得一言之助則尤有力也近時鄭鑑對 可怪也又具道其經理財賦之詳此足以惠一方矣但 云長沙傳聞基病消息殊惡此雖非實然亦竟遭凶禍 時庵別集 克

金与巴西 百章 高明雖在外服未忘根本之憂亦當拳拳於此况望實 幸甚祠祀责沈二刻拜賜甚厚但記中默契於中者矣 益隆者禮益厚則圖所以収拾人才紀綱政體者其本 復繼者消長之幾正在此臺釐項列之間益可寒心計 惧作也字不知尚可改否繆文本不足以發揮崇德尚 報平父正為子高沈姓耳於許續致只得未背者尤 末先後必有一定不易之論區區於此更望勉旃千萬 /意讀之既外愈覺紅漏益增愧耳責沈之義昨

勞唯恐不足以集事但素不更事凡百過不審高明所 也別紙垂喻永隆葬事具悉尊旨但彦集於此正自憂 慮何自得之自此竊恐聴言之際更當每加審諦使忠 友を可事 白馬 盖宋家所以自不多若可少增恐亦不可過百秤也难 賢日親競應日遠則人大之業粹然無私不獨施於州 余隱之事前日已當具禀二孫之禾恐止可撥四百秤 里親族之間者其愛憎賢否各得其當而已僣易皇恐 隱之父子不解事來此干預宋家產業出言不遊其 晦塵别集

金厂口匠 甚恐將引惹方氏復來生事已令陳吳二婦作狀經府 告示之矣此非得已不審尊意以為如何 言其所以為病者但謂開擴太深使然今若移穴近高 過崇安日首詣三里視彦集所開地岡盛形勢目前無 而淺其擴則無患矣此語使人不敢信因語彦集莫若 大虧缺而水泉湧溢殊不可吃問之邑人亦無 劉共甫 别下它處此數日亦未聞有定議政恐不易 能

處曲折 致水盖非偶然顧高明未必信故不復白直論日前 次己の軍 全島 所 及問平父云屢得近書初不及此則彼為妄傳矣然事 阿 **隱避上亦嘉納但崇信如初畧無變改之効不知又** 耳然留彼三日三往節觀亦覺形勢有可疑處所 可憂者正亦不在是也近一二士大夫斥言近習無 如昨無足道者但傳聞淮北音問不 劉共甫 耳想聞此亦深彰念也 脚庵 别集 心竊憂之

集序已嘗具稟恐不能事以病髙明前日偶與平父 彼自為謀則巧矣而為國患日深奈何昨承委撰王 其意者忽得數十 飲醉即中夜少甦因不復能寐感慨俯仰之間 陳此松計欲以柔道不戰而屈天下 公集序若可無愧但未知尊意如何耳聞 --當畧改 序文 + 題 百言蹶然起坐取火書之 處別作跋語為其之自言者 今屬平父附便拜呈恐不中 忠義之

金グロス

亦未必有相聚處貧悴日侵殊可念耳 當少緩亦已報之矣集既未成詣門下欲邀來此相 授其子以見區區或粗可用而有當改處亦告垂喻曲 繼之然後得脱今 折當如所戒也平父昨令與伯謨說招致之意近聞復 とこう言 聚今秋因索債殿人邂逅致死遂盡索所費又舉貸以 元履之弟誠之者中間得所子賻金數年貿易稍有資 而鄉人子弟不可率貧家又不能有以資之度其的武 房四五口立見狼狽殊可憐然 酶庵別集 主

持敬之說甚善但如所喻則須是天資儘高底人 假修為之力方能如此若顏魯以下尤須就視聽言 裁處也 親傷向來干擾好偏又不容復有請不審樞密或有不 金牙口母人看 術以採之往時元履病中亦以此弟見屬今無如之 惠得賜哀憐千萬之幸然渠初不敢有此望更在 何叔京鍋 工夫盖 人心無形出入不定 卷二 ~須就規 何

絕里 de たこう 能莊整齊肅則汝 容謹節於外子且放 何怠惰頹靡渙然不权時此心如何試於此審之 請尊兄以 Þ 豈 守定便自內外帖然豈曰放 容 A full 莊 易 整 齊 人 此 事驗之 **解卯後决知其無所容矣**既 碎卯俊正與莊整齊肅 晦庵别集 調莊整 日用 嚴然端莊執事恭恪時此 工夫至要約處亦不能 齊肅者正所以 於內而 Ī 侈 狱、 姑 則

金月口屋 山之勝言有不能喻也利記見屬所不敢解但此間擾 道廟象服鄉但伊川不知所服向來南康只用野服益 歷可考也向見漁溪家本畫聚服紫當是提憲所借明 擾俟還家草定尋便寄去只恐子晦官滿不及刻耳朱 舍初成不免與諸友朋來集甚恨賢者之不在是其溪 去冬常苦臂痛累月不能盐伸今幸少安又以武夷精 進用正當秦范之時畫策事却未聞說者必有來 る量 梅德明 槎 溪 刺 於 絽 944 1911 學

也近思録字 有履只合用難了 出位也奉親 次記事全書-志文所改大者如此其它悉如來喻填補矣愛君憂國 字碑刻舊家間未見而來書不及其名件不知果何 巴云有志於當世足以見之 晩年に 魏誠之)休致可不用朝服也 大甚便老眼有便幸寄 >鄉飲酒禮石刻本所未見也所寄 元腹弟 時庵別集 /此等 胡德方家藏 先生朝服當時 則日用百事皆當 **入切切言之又** 孟 化

悉書矣與利除害賙人 益生病不如為汎解以包之也俚俗謂坂為當如此問 頃所未見大抵此等皆非草茅所當言者表而出之 事便是更不必重出矣隆與乾道時政議不知是何書 以坂為富南北通語要之見於文字當作坂字也 富即劉先主為曹操追及處史所謂當陽長坂也然則 富精富皆坂字也向見荆南田官說管田處地名 汪時法大 度 人之急如所載請移栗恤親舊之 婺州有刊帖 恐

郑三半 别後不能一奉問但聞裂裳裹足遠送遷客為數千 沙定四軍一全書 亦足以忘其遷謫之懷也 廬陵寓舍有園亭江山之勝又得賢者俱行相與講賞 而學士大夫粗知廉恥如僕等單有愧於彼者多矣聞 日劇暑客裏殊甚尤以為喜子約此行無愧臣人之義 行意氣偉然不勝歎服未及致書忽辱手示獲聞此 -年了無善状求去不獲又未敢遽復有請凛凛 向伯元 浯 ; 以下伯元之孫公永家藏 晦庵别集 王

呈更立陷請節劉凝之道原李公擇陳了翁堂方求記 然日惟得罪於民是懼它無可言也至此則得周子象 ヨラド 於尤延之尚未到也得子澄書云書府有康節先生 圖書說賦凡五種并叙古千文重立直節堂記跋尾等 一易各納 還納也 向伯元 本散大為記濂溪祠堂子澄所書亦并 两月可了即車 里 納

書尤覺有味恨不得從容侍教於前也其不量陳扯輕 向見子澄說書府有康節書陶公詩地遠不敢借觀但 臂近方小愈然猶未至脫體呻吟之眼編閱舊書亦有 明保全至此且幸未至顛廢然殊未敢自保也去冬病 春老夏初伏想林居幽勝有足樂者承喻玩意論孟之 出從事無以補報縣官而奉件貴臣幾蹈不測賴上聖 學者相與討論足以自樂獨念遠去長者之側不 去所疑消釋都各為恨耳 每昼川真

瑟定四庫 全書 警為已多矣君祭先飯先儒舊說盖本如此近世乃有 先儒之説則飯音上聲而為食之之義如近世之説 以為君祭必先黍稷者若然則其音讀亦自不同盖如 時時想象此題目已覺清氣逼人也 恐先儒之説為長盖為賔主之禮則主人先客祭然後 紙尾批誨飲食必祭之説旨意深厚不勝歎服盖所 飯為去聲而指所食之物二說雖若皆通然細推之 向 伯 元 則 開 則

得與者且祭之先後自有常禮上下同之不必專言君 其義各得若如近世之說則君祭之先後有非已之 而子之於父臣之於君飲食必先品當之而後敢進亦 見教千萬幸甚 乃先飯也鄙見如此不審尊意以為如何昨承喻 所當然也故謂侍食者於君之祭也而已先食 大學都說近有修定本張君抄得幸試取觀有 食而後客食今既侍食於君則不敢當此禮 每卷列集 圭


致定匹庫全書 得之也子澄去秋以書來告别方此憂念繼得公度書 其頃切除用出於意外懸辭幸免猶然復本郡寄上 厚矣但年來目疾殊甚恐不復堪吏事免章再上 言然至今未能遣 知遣書之後不六七日遂至大故發書 向伯元 向伯 八此人 、吾道亦殊失助也 人奠之日以愧恨也交遊問落 慟痛不 諒 恩 必 P

弛飲食不至大減而肌膚消削日就枯槁蒲柳之姿望 張治秀才迂道相訪後生有志不甚易得因其行附 京原廟隔在異域每視新街不勝悲憤之填膺也臨 廷記憶遂有鴻慶之命杜門竊食雖若可以終身然舊 秋先須每聞老友聰明輕健過絕於人未當不歎衛生 此書并令請見幸予其進而教誨之 こうう 有經而愧謹疾之無術也祠禄將滿未敢再請而 數年來無日不病而今年為尤甚神思疲憊筋骸 海临別集 幸公

蒙哥示先正遺文飯在警誦不覺終篇竊惟忠義之操 **到炭四庫全書** 高尚之風生平之所想象鄉往而不得見者今乃得窺 憂者每念扶持三綱之語盖令人感慨也 生豈敢僣越然不敢不有以見區區暴用之私也胡公 公旨人 **誨諭格物之說不勝惊仄前單立言豈敢輕議但以** 人者於翰墨文字之餘何其幸即蒙需跋語晚 向伯元 物標準名論 定能得改評時事傳聞有只

轉歸已 河南夫子所謂物我 髙明以為如何無由面請因風不吝垂教千萬之幸 物當然之理積外貫通之後自然所行不疑而實理在 我隱徽之間亦無私念河南所論條目甚明恐亦不必 不實有於吾身非為 5 比擬然後為得也又反身而誠乃躬行之至無)者似稍费力耳無窮理功夫亦是且要識得事 1.1. 入學本子近日又多所更定稍覺平實恨 好を列帳 理才明彼即晓此者觀之即宛 時見處發也鄙見如此不審 また

有 多定四库 全書 間静從容却覺意味亦深長也昨得子澄書具道昨 貧病支離彷徨瞻顧未知稅駕之所奈何奈何 武夷佳句深有教督之意再加紬繹乃悟微指不勝感 一問少得過從目昏不敢讀書舊學寝隳深以自熟然 至近開行劍之境有啸亂者官軍挫動勢甚可 寓 得拜呈也 向伯 孝經有墨本否欲求 通此書無善



時親儿杖甚幸真足以銷鄙各之萌矣 亦有看甚來由之語此至論也然尚幸闕期未到得且 從容耳子卿官期必不遠未及為書極懷想也景陽得 幸指示乃可傳遠耳子澄新除知識多以為疑聞吾丈 多可其言恐亦未為不易之論更望詳之有未安處却 今奉教帖反得褒賞之詞此豈所望也子澄相愛又素 以所撰先公文集序豪本拜呈未蒙鐫改方此惊人 向伯元 /: -: 1

宣有無行正道邪術雜用君子小人而可以有為者去 問訊之勸其速歸不知今已出江上未經由必相見當 能道所以然者某不恨其不早去恨其不勇為也天 次足四軍 全書 法令所謂恐喝取財者何異火色如此平進者何自得 歲入都時已知其必有今日之禍無疑矣 力者所取至或同僚數人 今子知丞歸來文字竟足未即今時諸司文字多為有 公去相尚舊義與豈過婦家少駐即近方寄得 晦庵别集 八同署一 紙而脅取之者此與

此矣 **基向來妄意作** 塵無儿恐有悖理幸望指教尚及鐫改也 正當量分自安想賢郎熟聞應清之教其必有以表 不復更有長進有欲傳者因以付之 向伯元 向伯元 論與基去冬波及之章正相先後但 小書初不敢以示 今納四書五 、近年自覺昏

金グピノ

イート

昨四除命 其衰病之餘去秋復有哭女之悲支離渦耗益已甚**矣** 後來學業如何也 追長者之後塵也景陽何故却歸廬陵外不相見不知 而歸乃佳不審尊意以為如何近得其書甚恨不能早 忽以章罷便有奏事指揮聞命彷徨不知所以為計 えこうい 郡與問居不同昨聞俟罪西祠未許此恐當力請 向伯元 /. L. 解不獲方欲春深闕近力申前請而代者 晦庵别集 罕二

祈哀君父庶遂本懷耳江右之形勢心難勉强也子 動玩四库 全書 歸今乃竟不得免又且便着道學两字結正罪名世路 去替不遠醌正之人又以憂去意其可以善罷從容而 鋂言以滌塵襟銷滯吝此為恨恨耳 如此豈復更容着脚不如且杜門讀書只作殘年飽飯 計無無後悔耳所恨相去之遠不得時扣函大日奉 我懇不過旬日當有決語萬一)歸三山赴馬即之招為今秋漕試計也後生輩 未遂即不免 澄

容不能完其說也寵惠錶鏡川墨拜領錶鏡謹置之 **某碌碌如昔近旬日來訟牒頓希可以藏拙但經界指** 坐常以自此如長者嚴然臨之不敢不起散也 理處切幸指教易數比之諸家已 未忘進取為此計較亦復可笑耳前所納諸書有不當 てこうう 揮未下不知竟如何昨夕地再震不知彼中如此否趙 有來期未此但聞即 ニナラ 伯成 季 晦庵别集 司已發牌印去它則無所聞 下井伯外)極簡易要非侍坐從 孫方之泰家藏 星

經界若行欲挽退翁仲則 示喻福公令孫好學之 任事而能敢更愛民者不妨更為尋訪喻及此或亦 此遺書中 去約此不厭人 君官 林井伯 人畧若欲究其學問根源則不 來否煩為微扣之别有有精神耐勞苦官 間編得首 多分頭勾當無事易集也 意甚慰鄙懷昨擇 未曾寫净無亦止是記得諸 來但其地皆煙瘴之鄉 書來亦當

金分口月至書

書為有益也伊川先生多令學者先看大學此誠學 動旦夕别寫得當寄 とこうき 德門户其向有集解两冊納呈福公其間多是集諸 陳公令孫之字謂何幸批報近思録亦好看煩并為 **喻諸賢官來之意尤以愧荷但** 説達之也 一說不若且看此書其問亦有少未安處後來多改 林井伯 /: *·· 晦庵别集 换售本也 四去

金贞四月白書 使區區之願不警則亦拙者無窮之恨也蔡周諸君雖 陽操两可而陰實力沮之者此雖两郡貧民之不幸 月脚氣大作两旬然後愈又苦臂痛中間小愈今復 正以泉事之故不敢數與之通問無由可致力也某前 不識之然既為賢者所稱已筆之於簡矣惠安文字此 作字如此它况可知它不可意者甚多已專人 卷二

數日來却幸小定然亦未敢自保也經界之命雖下 某衰病發歇不常醫者以為風氣非脚氣似亦有理此 是自首為之未嘗為轉求也千萬見亮為幸 某平生畏人來討文字亦自守不敢求知之戒不敢以 語及此公論所在人無異詞也簡卿文字極荷不外但 大己の日本書 其所賤者施之於人故未嘗敢作此等書如學古亦 事飾詞之責然亦無可奈何也學古之為昨得即書當 已後時恐妨農功未敢下手又不免費分疏尚恐有避 晦庵别集

凡百餘日竟不可救老懷傷痛不可堪忍病驅緣此 **基去秋今春两次大病今夏第三女子得疾療治驚** 金欠にた 須力請以得為期也通老所言極荷留念成都事已 見衰弱奄奄度日無復生意江西之除雖感聖恩然形 過未知果如何若真有此可謂疎脱幕府諸人亦不得 如此豈復更堪仕宦已申省懇辭矣萬一 一未遂臨期 愈

為無過矣擇之去住不知如何正恐子直亦不自安也

其說否然尚有 録示氣訣極荷藍念不知曽武如此行持否効驗果如 たこりき 夷長句平易宏深真有徳者之言也欲作書和韻附 便致謝以雩字韻險控合未成且俟後便恐因見次 來亦說不成為三山之行可見審重之意又蒙寄惠武 進職因任可喜但聞開湖事都 為道此意也 /.: A.. 二處未盡晚異時須面扣也福公書 晦庵别集 亦頗紛紛 罕立

多言亦可畏也 金为四月子書 未便已力懇辭勢必得之此問無室之 蛮爱苦杜門、 尚未回也彼中 絕緣政累及像友深以自愧師中必已歸到前 **爻吾甚悔始謀之不審也臨漳紛紛後來又不止** 林井伯 葬未定忽四权用之恩顧此私計實有 諸朋友喜各安佳便遽事兄未及 筆前日被潘恭叔來 舉作未及 Ð

或使知之亦佳 應否來春當復為 てこうう 刀翁志銘畧為草得 W 此豈治筆硯之時哉永嘉林復八墨來見觀其所製 君道意己 可用求書南遊因附以此朋舊問恐有可為 何以閱日想不廢探討之功伏臘之計不至〉 林井伯 1.16.)深喻之不敢有望於賢者矣郡侯好 出計否風波渺然未知所止泊 晦庵别集 两紙便覺便旋白濁夢寐 罕士 思

經由相見公當語及此今幸 飜騰 餘干 堂想論著不輟 不甚病今春の大 師 外不得書今年為黃子由徐子宜觸動機 日能復幾何不知不覺輕到此窮極處亦 何時得平静也仁里諸賢想 今年病中 、作幾不能起廖子梅到此 識來歷處欲質所疑而不 况如何師中 且能學飯讀書然明年 看性理文字不得 **从赴官矣** 見

一到玩四犀 全書

某今年頓覺衰憊異於常時百病交攻支吾不暇服藥 更不見效只得一两日静坐不讀書則便覺差勝但魔 魔之亦相聚否别後所進何業也

障未除不容如此两日偶看長編至與雲事便覺曾次

擾擾如在當時廟堂邊境之人甚可笑也閩中

一歲而

丧三,傷皆未老而遽化近又聞子約之丧既死異鄉

想聞之亦為恨然也鄭公得請奉祠歸享甲第

外題只納左右處幸攜見面納之免思憂慮渠向書來 亦只封與詹元善盖恐人之知之也 後恐蹤跡累人不敢再遣今却不可不致書輕有 威想不復以當世為念矣自其開府之初得 (林井伯文軒之從子也今往赴省因過餘干勞 |在難者其義甚高到都下不欲參學以避時論 僧舍安泊數月不審能與致力否渠知識自多 趙子欽彦肅 通問

欽定四庫全書

學勉力職事以修其在我者至如士民薦舉之類亦當 記多事不暇作無長泰設此似亦無謂也縣學文字適 有以禁之勿令復出不知它人如何如某外居間處見 **承喻深悉賢者才業如此及此未為世用之時加意講** 其情有姦弊即繋治之不少貸也别吊所喻三先生祠 此等無非迎合以是心常惡之當官處遇有此等或察 難於見人故欲且得僻處潛伏耳 方若水士

敏定匹庫全書 喻及也程帖已領白杜本後跟有記明道一 深留意也大學近改两處及未印問改之為善其它民 善但四六須更看前輩歐王魯蘇所為乃住然亦不足 此擾擾未暇詳閱要之此等粗合有司程度足矣學者 亦佳 利害當就州府理會龍溪事亦不足深計渠包未當 令此外識得一用心處乃有益耳舊課新詩及啓旨 諸義皆傷淺短鋪陳畧盡便無可說不見反復論 二事并附

重也 とこうえ たったう 一關揍已字太多反失正意据題意則治已 晦庵别集 失此學 不講

梅庵别集卷二	The second secon				金为中屋台書
					卷二
-				_	